

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2022/24, 25.02.2022թ.

Բողոք բերող անձ՝ «Վիններ Գրուպ» ՍՊԸ

Պատվիրատու՝ Երևանի քաղաքապետարան

Գնման ընթացակարգի ծածկագիրը՝ «ԵԲ-ԳՀԱՊՁԲ-22/5»

Գնման առարկան՝ նստարանների ձեռքբերում

Բողոքի պահանջը՝ պարտավորեցնել «ԵԲ-ԳՀԱՊՁԲ-22/5» ծածկագրերով գնման ընթացակարգերի գնահատող հանձնաժողովին՝

1. ոչ իրավաչափ ճանաչել հայտի մերժումը,
2. պարտավորեցնել ընդունել գնային առաջարկը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ֆ. ՄԱՆԳՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման

ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

Հասցեն՝ ք. Երևան, Մելիք-Աղամյան փողոց 1

Բողոք բերող անձ՝ «Վիններ Գրուպ» ՍՊԸ

ՀՎՀՀ՝ 01032965

Սպասարկող բանկ՝ «Ամերիաբանկ» ՓԲԸ

Հաշվեհամար՝ 1570078032480100

Իրավ. Հասցե՝ ք. Երևան, Ավան 3-րդ փողոց 37 տուն

Էլեկտրոնային փոստի հասցե՝ karlen4321@mail.ru


Հեռախոս՝ +37477081188

Պատվիրատուի անվանումը՝ Երևանի քաղաքապետարան

Հասցե՝ ք. Երևան, Արգիշտի 1

Գնման ընթացակարգի ծածկագիր՝ ԵՔ-ԳՀԱՊՁԲ-22/5

Առարկան՝ նստարանների մատակարարում



Բ Ո Ղ Ո Ք

ԵՔ-ԳՀԱՊՁԲ-22/5 ծածկագրով գնման ընթացակարգի վերաբերյալ

«Վիններ Գրուպ» սահմանափակ պատասխանատվության ընկերության բողոքի առարկան, բողոքի փաստական և իրավական հիմքերը, ապացույցները և պահանջը:

Բողոքի առարկան՝ Երևանի քաղաքապետարանի կողմից 09.02.2022թ. հայտարարվել է ԵՔ-ԳՀԱՊՁԲ-22/5 ծածկագրով գնանշման հարցում, որն իրականացվում է էլեկտրոնային գնումների Armeps (www.armeps.am) համակարգի միջոցով: «Վիններ Գրուպ» սահմանափակ պատասխանատվության ընկերությունը 17.02.2022թ. վերը նշված համակարգի միջոցով ներկայացրել է հրավերի պահանջներին համապատասխանող փաստաթղթերի փաթեթ: Ներկայացված փաստաթղթերից գնային առաջարկում (հավելված 2) առկա է տեխնիկական վրիպակ, մասնավորապես՝ «ընդհանուր գինը» սյունակում «**13230000 (տասներեք միլիոն երկու հարյուր երեսուն հազար)**»-ի փոխարեն նշվել է «**13230000 (տասներեք հազար երկու հարյուր երեսուն հազար)**»:

Նշված վրիպակը նկատելուց հետո (21.02.2022թ. ժամը՝ 14:00-ից 14:30) մեր ընկերության ներկայացուցիչը 044390909 հեռախոսահամարից զանգահարել է պատվիրատուի 011514216 հեռախոսահամարին և հայտնել առկա խնդրի մասին՝ նշելով այն իրավական նորմը, որով հստակ սահմանված է նշված խնդրի կարգավորումը:

22.02.2022թ. ժամը 17:09-ին ընկերության էլեկտրոնային փոստի հասցեին պատվիրատուի կողմից ուղարկված թիվ 3 արձանագրության ուսումնասիրությունից պարզվեց, որ «*«ՎԻՆՆԵՐ ԳՐՈՒՊ» ՍՊԸ-ի կողմից ներկայացված գնային առաջարկում (հավելված 2) առկա է անհամապատասխանություն հրավերի պահանջների նկատմամբ մասնավորապես. Արժեք և ավելացված արժեքի հարկ սյունակներում տրոհերով և թվերով նշված գումարների հանրագումարը չի համապատասխանում ընդհանուր գնի սյունակում նշված տրոհերով և թվերով գրված գումարի*

հետ:

Ընթացակարգի գնահատող հանձնաժողովը մերժեց «ՎԻՆՆԵՐ ԳՐՈՒՊ» ՍՊԸ-ի հայտը համաձայն ՀՀ կառավարության N 526-Ն որոշման 40-րդ կետի 4-րդ ենթակետի համաձայն, այն է՝ «հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը»:

Հարկ է նշել, որ ընթացակարգի գնահատող հանձնաժողովի կողմից հայտի մերժումը ոչ իրավաչափ է, քանի որ փաստական տվյալների ուսումնասիրությունից պարզ է դառնում, որ «**Վիններ Գրուպ**» սահմանափակ պատասխանատվության ընկերության կողմից ներկայացվել է հրավերի պահանջներին համապատասխան գնային առաջարկ: Գնային առաջարկում առկա վրիպակը չի նշանակում, որ ընկերությունը գնային առաջարկ չի ներկայացրել կամ ներկայացրել է հրավերի պահանջներին անհամապատասխան ուստի նշված իրավանորմը չի կարող իրավական հիմք հանդիսանալ ընկերության հայտը մերժելու համար: Արձանագրության մեջ նշված է նաև, որ «*(...) Արժեք և ավելացված արժեքի հարկ սյունակներում տրոհերով և թվերով նշված գումարների հանրագումարը չի համապատասխանում ընդհանուր գնի սյունակում նշված տրոհերով և թվերով գրված գումարի հետ*», ինչը նույնպես չի համապատասխանում իրականությանը, քանի որ *արժեք և ավելացված արժեքի հարկ սյունակներում թվերով նշված գումարների հանրագումարը համապատասխանում ընդհանուր գնի սյունակում նշված թվերով գրված գումարի հետ:*

Ավելին ՀՀ կառավարության 04.05.2017թ. N 526-Ն որոշմամբ հաստատված կարգով (այսուհետ՝ Կարգ) ի թիվս այլ կարգավորումների սահմանվել է նաև սույն խնդրի կարգավորման հարցը, մասնավորապես կարգի **32-րդ մասի 2-րդ կետի ե)**

ենթակետի համաձայն հայտը ենթակա չէ մերժման եթե «գնային առաջարկի արժեք և ավելացված արժեքի հարկ սյունակներում գումարները լրացված են ինչպես թվերով, այնպես էլ տառերով, և դրանք համապատասխանում են միմյանց, իսկ ընդհանուր գնի սյունակում տառերով նշված գումարի մեջ լրացված են ավելորդ բառեր, որի արդյունքում ստացվում է գոյություն չունեցող թիվ: Ընդ որում, սույն պարբերության մեջ նշված դեպքում գնահատող հանձնաժողովը հայտը գնահատելիս հիմք է ընդունում արժեք և ավելացված արժեքի հարկ սյունակներում տառերով լրացված գումարների հանրագումարը»:

Բողոքի փաստացի և իրավական հիմքերը, ապացույցները՝

1. «Գնումների մասին» ՀՀ օրենքի (այսուհետ՝ Օրենք) 5-րդ հոդվածի 1-ին մասի 7-ին կետի համաձայն սույն օրենքի նպատակի և պահանջների կատարման ապահովման համար Հայաստանի Հանրապետության կառավարությունը հաստատում է գնահատող հանձնաժողովի կազմակերպման և գործունեության կարգը:
2. Օրենքի 30-րդ հոդվածի համաձայն մասնակիցը հայտը ներկայացնում է հրավերով սահմանված կարգով:
3. Օրենքի 34-րդ հոդվածի համաձայն հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:
4. Կարգի 32-րդ մասի 2-րդ կետի ե) ենթակետի համաձայն հայտը ենթակա չէ մերժման եթե՝ գնային առաջարկի արժեք և ավելացված արժեքի հարկ սյունակներում գումարները լրացված են ինչպես թվերով, այնպես էլ տառերով, և դրանք համապատասխանում են միմյանց, իսկ ընդհանուր գնի սյունակում տառերով նշված գումարի մեջ լրացված են ավելորդ բառեր, որի արդյունքում ստացվում է գոյություն չունեցող թիվ: Ընդ որում, սույն պարբերության մեջ նշված դեպքում գնահատող հանձնաժողովը հայտը գնահատելիս հիմք է ընդունում արժեք և ավելացված արժեքի հարկ սյունակներում տառերով լրացված գումարների հանրագումարը:

Վերը նշված իրավանորմերի և փաստական հանգամանքների համակարգային վերլուծության արդյունքում պարզ է դառնում, որ «Վիններ Գրուպ» սահմանափակ պատասխանատվության ընկերության կողմից ներկայացված հայտը համապատասխանում է Օրենքի, Կարգի և հրավերի պահանջներին և ենթակա չէ մերժման, ուստի հանձնաժողովը անտեսելով նշված իրավանորմը դուրս է եկել իր լիազորությունների շրջանակից՝ հայտը մերժել այնպիսի իրավական հիմքով, ինչն ընդհանրապես չի վերաբերվում սույն փաստական հանգամանքներին:

Բողոքի պահանջ՝ ամփոփելով վերոգրյալը և ղեկավարվելով Օրենքի 46-րդ հոդվածի և 50-րդ հոդվածի դրույթներով խնդրում եմ՝

1. Ոչ իրավաչափ ճանաչել ընթացակարգի գնահատող հանձնաժողովի կողմից հայտի մերժումը
2. Պարտավորեցնել ընթացակարգի գնահատող հանձնաժողովին «Վիններ Գրուպ» սահմանափակ պատասխանատվության ընկերության կողմից ներկայացված գնային առաջարկն ընդունել արժեք և ավելացված արժեքի հարկ սյունակներում տառերով լրացված գումարների հանրագումարը՝ 13230000 (տասներեք միլիոն երկու հարյուր երեսուն հազար) ՀՀ դրամ գումարը:

Կից ներկայացնում են՝

- Բողոքարկման վճարը կատարված լինելը հիմնավորող փաստաթղթի պատճեն:
- «Վիններ Գրուպ» ՍՊԸ-ի տնօրենի նույնականացման քարտի պատճեն:
- Թիվ 3 արձանագրության պատճեն:
- Ներկայացված գնային առաջարկի պատճեն:

Առդիր՝ «Ճ» թերթ:

«Վիններ Գրուպ» ՍՊԸ-ի տնօրեն



Կառլեն Առաքելյան

25.02.2022թ.